

詩

續東文選

茅五

續東文選卷之七

七言律詩

次上人山水軒詩卷韻

金守溫

屋頭蒼翠歷潺湲聲想溪流色想山我向眼前空
作礙師從心上肉為團一枝筇影猿啼外六尺身
名俗開問明日野橋分袂處忙忙留與去閑閑

送安俊為安峽縣監

子之先子與吾偕幾度從容坐縣齋今日見君渾
舊意衰年遇境動傷懷石田民散春無種苴閣山
深畫亦靈最是一方幽絕處須教黎庶厚生涯

縣監

先公安壽希爲青山守僕觀
親途道所經頗嘗內交故云

題李敦寧白雲洞新宅二首

途人但見衆峯青豈識侯家向此成
藤蔓曲藏蛇虺蟄石門高掩馬牛行
笙歌樓閣傾冠蓋泉石膏肓養性情
燕罷客歸山月出一軒清景也難名

曾謁雲從舊院坊萬家鱗集鬧難當
何年徙宅歸來計今日逢君笑語香
數頃鶯花春後老滿池楊柳雨餘長
縱耽野趣朝參懶入道行當入廟堂

朝坐

徐居正

小窓扶坐倚烏床瘦骨如峯鬢似霜
多病已曾嘗

藥遍怯涼猶復攬衣忙蕪菁細切青蔬軟蕙苡新
炊白粥香萬事不如眠食穩何須苦覓養生方

送昌原府使朴公之任

憶昔重過月影臺檣山依舊翠成堆高吟落日欲
將去為喚孤雲猶不來滄海有潮環古壘短碑無
字半荒苔風流太守仍文雅為我閑登酌一杯

七月二十九日誕辰賀禮後作

誕辰陳賀紫宸朝稽顙瑤墀拜赭袍金甕初開千
日酒玉盤齊獻萬年桃竒逢幸際雲龍會霈澤深
涵雨露饒醉飽小臣賡大雅更伸華祝頌唐堯

少日

少日豪談奮兩髯年來歛鍔遠入爓從前宦路羊
腸險抵老才名鼠尾尖詩不驚人吟又改酒能忘
我醉還添欲書折簡招基伴凍筆如錐不可拈

扶安次李相國奎報韻

十載東西信轉蓬登樓聊喜使君同雨聲長在芭
蕉葉春色深留芍藥叢身世已拚杯酒裏光陰空
費路歧中醉餘猶記江南夢萬柄荷花十里紅

三月三日途中遇寒食述懷錄奉祁正使

江湖索寞斷入烟百五正當寒食天節物今年差

較晚風光觸處動相牽金岩日暖初揚柳
劍水春寒未杜鵑辜負踏青酬令節客中
時序劇悠然

用贈鄭子文詩韻寄李主簿

靜裏功夫課菜畦有時編簡費提攜詩成
或惡硤無客計拙何營諫有妻世事對門
曾爵肉人心懲熱復吹蠶石田茅屋餘年興
牋告天公首屢稽

次韻日休見寄

平生性癖愛吾廬閉閣焚香淨掃除陶令
但知樽有酒馮郎空嘆出無車病餘身世渾
成夢老去文章欲著書名利到頭徒自苦會
須歸問鹿門居

清晨

清晨小坐擁絛衾
窓日暉暉淨客心
歲月幾何詩是史
顏容如此酒為箴
防身只有杜陵劍
垂橐曾無陸賈金
何日還鄉仍乞骨
白鑱歸去斲人參

李監司

鐵堅

贈黃山谷集

元豐太史筆如椽
第一江西正派傳
句法能追杜陵後
詩名或在蘇老前
生平鑄錯緣文字
身後流芳足簡編
謫宦東西三十載
黔南雲物夢潛然

龍鍾

天地龍鍾一病翁
岸巾危坐小窓中
黑雲暗淡葡萄

菊雨紅霧霏微菡萏風燕語自能知主客蛙鳴元
不管私公了無官事眠初覺只把詩聯課小童

諸富村別墅將開遣僮奴起功有作

中年好道晚當歸卜地山中頗自奇豈有行窩追
邵老當營別墅擬王維石田有種宜供稅草屋無
人為寄貲寄語卜鄰諸野老他時爭席我為誰

三月三日題示金子固

春江初漲碧於藍花柳芳菲日色酣我在百年今
半百時當三月正初三右軍筆妙曾脩楔工部詩
豪欲典衫今古風流人物在又逢佳節思何堪

夏日即事

小晴簾幙日暉暉短帽輕衫暑氣微
解籜有心因雨長落花無力受風飛
久拚翰墨藏名姓已厭簪纓惹是非
寶鴨香殘初睡覺客曾來少燕頻歸

漫成

紅塵騎馬十年忙一日偷閑趣亦長
卯酒醺人聊復醉午風吹袖欲生涼
脫巾散髮從人笑索紙題詩作意狂
却勝前時衙罷去朝衫濕盡汗翻漿

七月七日

迢迢銀漢鵲橋通天上神仙此會同
牛渚波寒三

夜月鳳機梭冷五更風蛛絲乞巧吾無與鶴駕登
仙事已空曝版庭前聊復爾乘槎何路問張公

閑題

當頭世事總茫然小醉多時慣作眠妄說壺公能
縮地可憐杞國謾憂天機關病後都消盡膏火入
間亦苦煎已信此心無物我誰知一味即癯禪

秋懷

流光冉冉不曾留烏帽西風怯白頭出處由來難
自斷閑忙自古不相謀陶潛歸去欣瞻字杜甫行
藏獨倚樓我亦歸田曾有賦欲將身世老扁舟

閑中寓懷

一身多病且衰遲
物議紛紛百不知
白髮悠悠長袖手
青山默默獨支頤
書籤筆架閑相伴
藥鼎茶甌老更宜
晴日小窗酣打睡
忽驚喜鵲語簷枝

林亭晚吟次岑上人韻

城市那無隱者家
林亭幽絕隔塵譁
年年為種幾多樹
續續自開無數花
白蟻戰酣山雨至
黃蜂衙罷溪日斜
移時軟共高僧話
石鼎松聲送煮茶

奉送洪節度

伯角

之鎮

將門生將早
箕裘萬里青雲得意秋
花縣憶曾留

異績柳營今役運良籌氣雄虎旅三千隊公肅龍
驤萬斛舟南顧君王寬聖慮姓名從此入金甌

敘懷

大隱誰知在世間宦情塵思共闌珊已諳一鐵能
成錯未信千錢可買閑詩道中興黃太史世緣終
淺白香山殘年心事憑誰語笑把青菱仔細看

寄水鍾寺允禪老

龍江上山古伽藍細經崎嶇入翠杉憶昔屢邀靈
運過至今猶阻遠公談溪邊呪鉢龍應伏石上緇
經虎更叅白轍青鞋吾亦在相逢一笑虎溪南

試院曉坐

試院深深夜未朝
玉堂學士盡英豪
庭中似海燒紅燭
門外如雲立白袍
空北驂騮誰俊逸
面南鵬鳥已扶搖
天公許我分仙桂
說與諸生著力高

南至後二日入清齋寄子深知院

老病情懷已索然
青銅曉攬感流年
日南至後初添線
風北來時欲折絲
紙帳遮寒成獨坐
木爐偷暖穩長眠
詩家風味依然在
喚取龍團雪水煎

用安陰詩韻

百歲光陰晴復陰
當頭細事怕臨深
一生疎懶愁

中散萬古風流李翰林老病樽前花翳眼功名鏡
裏雪盈簪十年空草歸來賦何用區區學越吟

長夏

長夏深園瓦屋低官閑心跡似幽棲客稀門巷堪
羅雀兒戲庭除政鬪鷄永日鳴琴尋舊譜小窓分
紙寫新題綠陰鶯地門長掩留與嬌鶯自在啼

燕

李承召

畫閣深深簾額低雙飛雙語復雙棲綠楊門巷春
風晚青草池塘細雨迷趁蝶有時穿竹塢壘巢終
日啄芹泥托身得所誰相侮養子年年羽翼齊

秋懷四首贈金文學

壽寧求正

桐葉隨風一片飛老夫晨起恻單衣千門夜靜砧
聲急萬里雲深鴈影微浮世虛名何足道暫時行
樂莫相違黃花已近重陽節準擬登高爛醉歸

黃雞白日歲攄燦獨掩書堂萬古情簷外月華無
限好草根虫響不平鳴詩因遣興題桐葉酒為澆
愁酌兒饒紫蟹正肥黃稻熟故山歸夢幾番驚

青燈黯黯雨蕭蕭四壁圖書伴寂寥漏鼓鼕鼕傳
別院商飈浙浙撼寒條真成伏櫪思千里敢擬搏
風上九霄抱膝長歌歌激烈一生豪氣未全消

失脚紅塵二十霜故園松徑想蒼荒功名有數難
容力憂樂相尋苦不常腰下黃金饒季子頭邊白
髮感馮唐主恩未報身先老綵服何時上北堂

題丈人觀道士壁

松窓靜夜篆香殘環佩珊珊下石壇小洞風吹瑤
草長高樓月入玉笙寒蟠桃待見千年實藥鼎初
成九轉丹莫訝紅塵猶滿面他年我亦掛朝冠

城上

書劍無成鬢已衰又有庭樹葉辭枝秋風客子登
高處落日長空鴈過時霜重江楓紅暗淡天晴雲

岫碧參差此身知足還無事肯為封侯嘆數奇

秋晚登城北樓

世事聞來可掉頭起登高堞散幽愁十年旅况千
莖雪萬戶砧聲一葉秋更有深樽開北海能容老
子上南樓吟然欲御長風去汗漫相期出九州

客愁

學得屠龍破萬金技成無用鬢霜侵許身猿契將
非誤措世唐虞漫有心鍾鼎不曾歸斗筭市朝終
是遠雲林百年鼎鼎隨流水獨掩茅齋抱膝吟

題齋壁

茅屋三間架采椽題詩滿壁頗清妍花檻捲簾迎
素月盆池貯水納青天世間名利徒為爾醉裏情
懷便寧然擬逐陶朱乘一舸五湖烟雨送殘年

次姜晉山邀津寬住持專上人詩

雲山昔日飽清遊失脚紅塵三十秋無一可時常
自可有三休處不曾休堪誇齒老身猶健更覺心
閑境轉幽漫欲市朝成大隱故山猿鶴定相羞

二妃廟

在三义河上

此去蒼梧里幾千何為野廟在河壩英靈肯戀三
义水虛閣空熏一炷烟何物鬼神憑土偶枉教行

旅捨金錢誰知水府冥冥事獨立西風一悵然

漁陽三首

山多奇險水深長風氣千年尚崛強仙李雲孫無
遠計猜龍獅子肆猖狂錦綸乍裹胡雛戲羅機終
拋驪路傍不悟洗兒錢百萬居然買得出奔忙
誰教羯狗鎮漁陽終欲信然噬大唐反相莫疑知
石勒禍胎須信在椒房銀盤水拍溫泉上鐵騎雷
騰洛水傍萬古興亡如轉轂太平今日樂耕桑
當年誰獻蜀當歸興慶池龍亦見機胡馬南臨伊
水飲龍旗西拂蜀雲飛只緣明主心先蕩不覺中

原事已非立馬城南無限思青山漠漠日輝輝

灤河岸上有小石表書孤竹故城

民極將傾引手扶清風萬古激頑夫平生欲樹三
綱重餓死都忘七尺軀二子不慚為義士十臣應
笑是狂啗悠悠往事從誰問短碣空留古道隅

洪同知友菊齋

公友菊耶菊友公只緣馨德兩相同歲寒節比松
篁翠時世粧羞桃杏紅共道清香宜醉客誰知靈
藥壽衰翁更將歡伯為三友馨弟梅兄總下風

贈僧

道在明明太始前更於何處有三禪覺塵變起三
千界見皆能成十二緣終日有言元不語本來無
病又何痊借師一滴曹溪水洗盡塵區業火煎

題金叅判子固

組

雙溪齋二首

屋下清溪屋上山穿林小逕入雲關
輞川幽興風塵外謝傳高懷水石間
恰有青錢酬酒債還將綠筆破天慳
琴書左右身無事轉覺壺中日月閑
園林瀟灑似禪房更聞飛泉作小塘
夢裏應成春草句坐來閑看露荷香
滿簾紅雨桃花落罽地青烟柳線長
白石蒼苔溪幾曲不妨呼酒泛流觴

題朴淵瀑布圖

廬岳壞觀天下知雖然未並朴淵竒削成鐵壁千
尋壯倒瀉銀潢一派垂數里晴空飛電亂雙崖白
日怒霆馳天磨昨夜山靈泣偶向先生坐石移

綾城鳳樓樓

成任

日日驅馳不暫閑登臨聊復解愁顏閭閻近海春
常早松竹當簷夏亦寒簾捲山光侵畫棟日斜花
影上雕欄客中無限思鄉意憑仗詩篇強自寬

途中

重巖疊嶂畫堪傳絕谷飛來百道泉紅葉巧粧霜

後峽白雲深鎖洞中天奇觀多處頻遊目短句吟
時每聳肩不管世人頻過此山僧擁衲日閑眠

過鴨綠江

姜希孟

畫船簫鼓壓滄波齊榜中流取次過鐵騎如雲連
野靜霓旌蔽日簇江多水分華界橫羅帶山入胡
天點翠螺駟馬長卿今諭蜀新詩還看妙陰何

題徐剛中北征錄後

澆音哇咈亂人聽到得君詩眼忽明金碗蔗漿隨
嗜好玉壺寒露洗臙腥看來頓覺沉痾愈妙處渾
疑道骨成愧我平生無好語細吟終日卧風檣

次贈一菴

老多貧病詎非癡不問天工肯問醫雙鬢暗驚飄
雪縷頑顏漸恠變鷄皮飽經冷暖饒新味粗有親
朋是好期愛伴空門遺世事一菴終始是心知

題楮子島圖

王孫泉石入膏肓料理平湖十里庄玉鏡光分天
上下青螺影倒水中央輕舟短棹通麻浦豐草長
郊接華陽小少昔年曾歷此畫中疑有舊滄浪

閑吟二首

長閑不是藝能多壯志其如老去何才載功名添

鬢雪五更風雨落燈花阻隨鷓鴣驚趨文陛甘與沙
鷗占碧波到得晚來棲息定楊花江水鏡新磨
飄泊衿陽日月多故人消息問如何短籬殘菊寒
無艷冷尾繁霜眩有花山擁舊廬浮黛色月窺前
嶺湧金波人間肯縈終難解從此鉏刀不用磨

咸陽村舍和徐剛中韻

廣文到處寒無氎白髮照鏡悲暮年元亮初開宅
三徑許行願受氓一廛半生知足樂復樂萬事到
頭然不然斥鷃鷗鵬等遊戲青山萬壑埋蒼烟

應製賦狎鷗亭四時

春日朝回玉輦傍乘閑出郭即滄浪北望禁地鶯
花老西去澄江襟帶長白愛圓沙還倚杖青怜遠
岫嬾移床濯纓歌罷無人見滿意汀洲杜若香
阿香推轂輾陰機江雨翻盆已沒磯濁浪遙吞平
野濶盲風低逐冥烟飛時聞鴉櫓尋村過遠見漁
燈傍岸歸多小倚篷千里客醉眠風雨滿蓑衣
蒹葭白露夜飛霜捲上簾鉤月轉廊浪靜魚龍眠
水府天寒鷗鷺逗湖光安危自信憑雙劍冷暖還
驚饋五漿我已忘機人忘我終隨野老也何傷
曉色沉沉鎖凍雲山河忽變玉龍紋將身整同江

湖路浪跡寧同鳥獸群
義笠孤舟新活計
金章紫綬舊功勲
一尊且盡江亭晚
雪樹梅花搖不分

送僧歸山

盧思慎

携筇歸作五臺僧
何以窓前穴紙蠅
蒲上一觀唯寂照
人間萬事盡除兼
溪聲瀟瀟無生話
嶺月輝輝大智燈
扈從當年曾上此
滿山松桂鬱千層

寄鍾城逐客

李淑城

清時遠逐問誰因
杳杳天涯著此身
衣綻尚餘慈母線
腸回猶隔故園春
夢驚邊鐸頻推枕
淚落胡笳易滿巾
是處料君心事苦
題詩寄與暗傷神

梅亭

許琮

沒馬街頭萬丈埃何曾半點到山隈
意堅肯索東皇力色正應教白帝裁
林下雪寒能自適人間花動免相猜
心期後葉調羹實不怕風前玉笛催

南原東軒韻

客裏方知事
事艱人生何術駐
紅顏行伸懶脚尋
芳草坐點吟頭數
亂山夢枕已諳身
一世醉鄉那得屋
三間朝來驟雨非
無意借我忙中半日閑

次安邊東軒韻詠雪

詩情不必灞橋中
駕鶴樓前勢漫空
日照藍田初

纈眼林飄蒼蘆已搖風
齒齕老監真堪惜
擒賊將軍最是雄
遙想邊城寒又甚
窮沙無路駐元戎

題山水圖

許誠

十年流落二毛人
千里江山入眼新
楚子不成巫峽夢
漁翁虛負武陵春
雲烟洞口僧三輩
風雨峯頭月一輪
隱几早知吾喪我
北山何必更尋真

阻雨留燕岐示林使君

秀卿

金宗直

短靴低帽拂征塵
尊酒留連且探春
但使神君能好客
不妨甘雨便關人
丰茸樹杪爭抽葉
鳴咽溪流易蹙鱗
仍憶故鄉寒食近
河豚上水蕨芽新

寒食

清明寒食一年春節物斑斑入眼新
紅襯山花蒸躑躅青挑野菜細菌陳
殘年官況知無味晚節交情覺倍親
相望故入違咫尺一杯恨不共良辰

孫吳和余二月梅韻走筆復和

野老年年折作藩群芳調笑苦相喧
玉妃遲暮奈賦命青鳥寂寥空斷魂
此日不緣冰蘂醉明朝只有蠟跗存
上林密地應多隙借問何人移故村

中秋天王峯不見月

抽身簿領陟崔嵬剛被良辰造物猜
霧漲寰區八

紘海風掀岩嶽萬槌雷勝遊天柱知難繼清夢瓊
臺未擬回時有頑雲整成罅誰能取月滿懷來

病後將赴善山舟過驪州登清心樓不與主
人遇徑還舟中念念次稼亭韻

維舟茅舍蘓離端魚鳥何曾識我顏病後猶能撰
杖屨謫來纔得賞江山十年世事孤吟裏八月秋
容亂樹間一霎倚闌仍北望水師催載不教閑

夜泊報恩寺下贈住持牛師寺舊名神勒或

云甓寺睿宗朝改創極宏麗賜今額

報恩寺下日臨黃繫纜尋僧踏月光棟宇已成新

法界江湖猶攬舊詩腸上方鍾動驪龍舞萬竅風
生鐵鳳翔翔重安公亦人事時將菜托問舟航

次李節度約東赴鎮韻演雅

鼇背樓臺可俯憑鯨波萬里鏡光澄奚奴有暇能
調馬幕客無營但肯鷹蛟鯉暗驚千弩響鷺鷥閑
立五牙層大平未試龍韜策射雉因過竹院僧

和王如知雜

謾把蓬廬土木形道山曾躡鳳凰翎文章敢擬三
千牘歲月頻驚十五蓂故國龍鍾空制錦殘編狼
籍又飛螢裁詩為問金蘭友白虎談經肯數丁

九月十八日晚赴安谷驛迎節度使有作贈

鄭剛叟

畫角聲中整韜韞為迎旌節驛亭賒荒村十里火
穿屋缺月五更霜滿靴擊免伐狐真有興栽松問
竹豈無家開溪屋殺冰髯曳軒睡方甘寤曉笳

次克已寄菰堂兄韻

整隨烟霧入溟濛水穴風岩萬壑中希朗塔邊烏
啄磬孤雲臺上鶴蹊松已教塵躅迷幽徑長有仙
飈落半空却笑將來屈烈守山扃假步與吾同

讀史

一片心從竹素遊無端枉作杞天憂黃虞邈邈成
千古孔孟栖栖志九州世事那堪狗脚朕民生肯
要死猪愁青山隱几閑料理松籟蕭蕭自送秋

和冲甫

滿壁圖書室轉幽羲農遠矣謾清愁一天星象纔
名斗九畹蘭馨或間猶黃卷聖賢君且對蒼洲烟
月我將浮北辰賴有堯垂拱嘉興丞黎罷噢咻

次善源贈盧君韻

屢把詩書叩倚廬人多不足子贏餘何須活水勤
三沐終擬長風借一噓斐几塵侵琴上鴈寒廚日

照釜中魚善源真箇吾同志故贈鞞鞞珎瑤琚

次少游韻却寄

持身纔足備三孱處世真同竊一斑才盡夢探懷
裏筆春歸日皺鏡中顏茆茨空卜東西讓詞賦還
慙大小山吾黨如君知者少雪車冰柱可追攀

次林元翁

年來兩鬢失青春豈意金華著此身草草圖書真
竊吹栖栖鄒魯竟迷津未將簑笠緣南畝却整簪
纓向北辰和靖家風君不墜溪山隨處作閑人

仲容兄以余將赴召遙贐以詩豈知余之病

不能進次韻奉寄

老大襟懷易自傷
鵲原一日九回腸
宦情真草同鷄肋
雲路冥冥送鴈行
詩喻二蟲蘇內翰
琴傳一女蔡中郎
會須杖策淩川曲
棹盡艤船擘蠓黃

寄兼善

兼善持服在咸寧
之虎溪東岸余若召
則謀枉道相訪今以疾辭官
初計乖張第思之余疾未瘳而兼善服闋則還京不遠
余雖疾瘳浮海之志素定恐十年來未易對話姑寄以詩

當今大手得班揚我忝貧交幾沐芳
兩地素廬同耿耿十年青瑣各茫茫
病難西笑風儀阻老欲東浮畫計長
黃嶽虎溪才百里不堪羸卧景濂堂

綾城鳳棲樓

連珠山上月如盤草樹無風露氣寒
千陣絮雲渾欲盡一堆鈴牒不須看
年華更覺中秋勝客況誰知此夜寬
征旆又遵西海轉指尖將擘蟹臍團

閏八月十九日直廬偶吟

藏室蓬山昔討論十三年後更叨恩
眼花正怯金蓮燭口梗難斟白虎樽
霜後梧桐猶窸窣月明鵲

鵲自翻翻故園松菊應蕪沒姝母而今是夢魂

晚起

紛紛物役盡興臺高卧園廬樂不材籬落風臙
警虎溪橋月淡鵲移梅霜華覆砌春猶冷人語連
村夢已回家事無營因晚起非關肘柳與脩蛸

伏龍途中

筓輿伊軋渡晴川遙見前驅過坂田邑犬吠人籬
有竇野巫迎鬼紙為錢斷雲寒日工吞吐小巘平
岡遠接連南去錦城三十里却愁盡擔夫肩

寒食村家

禁火之辰春事多芳菲點檢在農家鳩鳴穀穀棣
棠葉蝶飛款款無著花帶樵壠上烏犍返挑菜籬
邊釵髻歌有田不歸戀五斗元亮笑人將奈何

咏山居贈山中道人五首

金時習

支遁山中結草堂許詢來訪共匡床雲松趣味閑
來雅雪竹襟懷老去剛烏几倩繡方外語鴨爐親
挿海南香休言定罷無伎倆清水明燈祀古皇
春山無伴獨行時猿狄雙雙先後隨樹葉蔭溪迷
小徑松檟偃石碍通歧年年收栗忘貧歎處處團
茅任適宜點檢一生忙事以世間韁勒不曾知

客來無語對筠床。林靄霏霏染夕陽。不怕山靈來
惱我。深窺野鼠解偷糧。地爐撥火將煨栗。銅鑪盛
泉飲者湯。不是苦為形所役。隱居生業此尋常。

世味於人苦似煎。林泉清興政翛然。草分野徑青
如染。花擁山齋紅欲燃。日炙嫩苔鸚鵡語。風柔苦
竹麝香眠。不堪更說塵中事。高卧烟霞已數年。

別有生涯住碧山。閑情不欲語人間。莓苔一逕通
脩竹。松檜千株匝小巒。岩鳥下窺宗炳社。洞雲來
護祖師壇。阿誰為爾題招隱。丹桂叢生怎可攀。

和鍾陵山居詩二首

四美年年到處無溪光山色映蓬簾藥園鹿戲何
曾愠茶竈菌生亦不嫌萬事省來貧是樂一身閑
了老非厭笑看塵世悠悠者無太麤疎便太纖
人間變態薄於紗端合歸來卧碧霞老境病蟬藏
翳葉入生秋蝶寄浮槎風前細細飛松子雲外麤
麤落桂花莫道道人嚙沆瀣岩邊春兩種胡麻

枯木

長枝蟠屈小枝斜直幹亭亭聳碧霞幾歲倚巖排
兩雪何年趯走化龍蛇瘡皮臃腫壯生木奇狀龍
嶽漢使槎春至無心天亦惜教藤為葉解為花

次四佳韻

床前詩筆懶全提信步東園薦草鞋
蜂唼花鬚香惹徑麝眠春塢綠
泓溪壠頭枸杞千莖長巖畔入
夢五葉齊禪院荒涼塵事少畫棟
唯有燕沾泥

感懷

四十三年事已非此身全與壯心違
神魚九變騰千里大鳥三年欲一蜚
洗耳更尋東澗水療飢薄
冰北山薇從今陡覺歸歟處
雪竹霜筠老可依

潭上有感

峯上青楓千萬枝傷春情緒亂如絲
岩花灼灼應

無主胡蝶雙雙亦可悲人事那能如水鏡烏雞誰
復識雄雌秦坑漢錮皆如此孰是真吹孰竊吹

窮愁

窮愁如絮著旋粘除却清吟不可斫嬾性已如棲
木鳥營生何異上竿鮎閑剗竹簣添寒井為折松
枝補短簷閉戶著書聊自慰一庭疎雨正廉纖

和箕叟韻二首

寥落精廬秋興長朗吟時作放翁狂山城驟雨收
殘暑風樹疎蟬咽晚涼湘簟嫩寒驚老骨惠泉甘
冽浣枯腸年來陡覺星霜變學取燒丹魏伯陽

月白東林秋夜長
放吟孤嘯大踈狂
金風萬里薰葭
葭老玉露一天
星斗涼已許雲霞
藏老拙更將泉石
洗肝腸
西軒徙倚多情況
閑聽長空鴈向陽

乍晴乍雨

乍晴還雨雨還晴
天道猶然況世情
譽我便應還毀我
逃名却自為求名
花開花謝春何管
雲去雲來山不爭
寄語世人須記認
取歡無處得平生

過棧道

山勢縈回水自斜
炊烟起處有人家
風前燕子簸微涿
雨後鳬雛踏細沙
列岫遠邈千里眼
斷橋遙

傍一川花早知行旅情無奈爭似優游度歲華

遶陂上

楓葉蘆花拂釣磯異鄉稻熟鯽魚肥風生別浦鳴
寒鴈日落孤城掩夕扉落落形骸曾有志栖栖身
世竟何依林泉他日如歸去塵土何由得上衣

獨木橋

小橋橫斷碧波頭人渡浮嵐翠靄深兩岸蘚花經
雨潤千峯秋色倚雲侵溪聲打出無生話松韻彈
成太古琴此去精廬應不遠猿啼月白是東林

題金貴一詩軸

家在金剛古寺前，夕陽喬木惹寒烟。
山連鰲極蒼茫外，地接雞林縹緲邊。
九聖有亭雲幕幕，五陵無主草芊芊。
卧龍居處人如問，桑柘陰中一路穿。

題細香南窓

朝日將暝曙色分，林霏開處鳥呼群。
遠峯浮翠排窓看，隣寺疎鍾隔嶽聞。
青鳥信傳窺藥竈，碧桃花落點苔紋。
定應羽客朝元返，松下閑披小篆文。

見道吟

意欲推求無覓處，本來呈露復何尋。
只應通達見思惑，何用斷除聲色侵。
亂霧昏雲俱掃盡，性天覺

月盡供吟清光燦破三千界事事長明古到今

無題三首

終日芒鞋信脚行一山行盡一山青心非有想奚
形役道本無名豈假成宿露未晞山鳥語春風不
盡野花明短筇歸去千峯靜翠壁亂烟生晚晴
楓岳高低十二峯峯頭石角掛枯松塵紛却是郭
郎巧世事盡隨蝴蝶空桂子落時殘照薄楊花飛
處晚山濃蒲團獨坐香如縷愛聽楓橋半夜鍾
翩翩一錫響空飛五月松花滿翠微盡日鉢擎千
戶飯多年衲乞幾人衣心同流水自清淨身與片

雲無是非踏遍江山雙眼碧優曇花發及時歸

次徐相居正韻二首

高低石逕拂烟開倚杖閑吟歸去來破悶只應南
舍酒療飢猶有北山萊白雲岩下無端去紅葉窓
前有幾堆安得能文王翰輦筆端流出一瓊杯

一陣金風落井桐楚蟬鳴咽夕陽中夜深霜露鬢
鬆白日暮江楓深淺紅懶慢卧看新墜葉踈慵坐
聽獨愁蛩小軒月色明如晝吟罷不知簷影東

送安邊府使朴始行赴任

洪貴達

憶昨遊觀大嶺東與君詩酒趁春風竹樓雲散青

山出鏡浦天晴碧海空鯨浪亂侵沙路白馬蹄輕
蹴海棠紅一生意氣長年別此日那堪更燕鴻

在燕京將還贈書狀

明朝擬向海東天鶴野龍灣興杳然千里暮雲隨
去馬一江秋色載歸船錦囊貯句多君富玉署登
名愧我先更辦蜀牋三萬幅付君揮灑紀行篇

題盤山驛

山到無間青發了廣寧東望路漫漫泥途瘦馬那
堪苦小驛孤牀暫借安半夜角聲吹客起一窓月
色照愁寒雞鳴又向高平去見說雲深路更難

宿青石嶺早行途中

暮登青石欲途窮
露宿寒山萬木中
行雨曉收溪瀉碧
清霜夜下葉飛紅
雲深雙嶺迷歸馬
樹密連山阻落鴻
三宿便應過八站
鴨江澄酒漾秋空

乙未二月初八陪謝恩使赴京宿碧蹄驛書

懷

崔淑精

通宵郵吏語囂囂
破榻欹危睡不牢
春色暗回溪畔草
愁痕工點鬢邊毛
未醒宿醉頭猶重
默數前程夢亦勞
入夜別懷深似海
青燈生焰照征袍

詠張翰歸江東

舉面西風薦地飛江東萼萼又鱸肥十年洛下終
誰賴一棹吳中獨自歸此日只言求適意異時方
見早知機憑君欲吊華亭鶴底事悠悠未拂衣

七家嶺遇雨

上苑花飛春事休客中何處賦登樓黃梅籬落千
家暮宿麥平疇一望秋風雨五更鄉國夢江山萬
里旅窓愁傷心短笛聲聲苦挑盡殘燈白盡頭

寓直即事三十事

李瓊全

不眠鍾鼓聽逢逢閑詠新辭換舊腔萬里家山長
入夢五更風露獨開窓為官自笑鮎魚上待問應

嫌寸達撞誰是詞源疏繫手欲從溝澮達湖江

題渭原客舍

成俔

古城曾被鬱攸災更築新城傍水隈人物蕭條少
籬落石田硯确半蒿萊雲連絕塞山河異日沒譙
樓鼓角催屈指歸途脩吏阻客中離恨邈難裁

過江東古邑城是陽壤國所都

陽壤遺墟苴樹平數家離落掩柴荆山川自是興
王地城堞空餘建國名此日繁華皆寂寞當時蠻
觸幾紛爭年年進士峯頭月桂影無心照水明

題富林君松都懷古詩卷用達城韻二首

銅鏡生文鐵運終康安宮闕倚雲空街中車轂紛
相擊殿上羅紈競闢紅郭郭緣山金作固厓闔撲
地螳為封自從羸呂相承後江水西流不復東
當時冠蓋盡嚴終觸興吟詩萬籟空中第連雲依
紫翠驛驢嘶上踏嬌紅幾人紛擾簪纓買千載淒
涼斧屋封怊悵遺魂無處酹樵歌交錯子城東

延慶宮古基

鵠嶺凌空紫翠浮龍蟠虎踞擁神州康安殿上松
千丈威鳳樓前土一丘羅綺香消春獨在笙歌聲
盡水空流不須問訊興亡事落日風烟滿目愁

金子固高陽庄

東寺尋僧

穩跨藍輿踏翠嵐行從山北到山南
樹遮金粟岡頭石路轉青蓮
境裏庵搖月磬聲驚倦枕背風燈
影照深龕鬢絲禪榻塵機息每見維摩聽夜談

前村打稻

斷鴻哀叫碧天涼四野秋晴刈欲忙
穠稂金若堆滿畝玲瓏珠顆爛登場
風清萬落聲彭魄歲熟三農樂富穰
不見催科呼索急家家鷄黍舉壺觴

後園拾栗

繞屋參差碧樹枝秋深結子正離離風披蜩殼時
時落霜染瓊肌箇箇肥閑拾園林供豆實旋煨爐
火慰朝飢世間無限狙公巧喜怒機關捻不知

次鐵原東軒韻

鐵水雄藩古邑州客來無語謾含愁風雲沛上飛
揚日烟燼咸陽慘悽秋兩國興亡俱寂寂千年城
壘莽悠悠弓王不鑑前車覆付與姑蘇麋鹿遊

次江陵東軒韻四首

海山佳氣入新年春滿蓬壺洞裏天鰲島雲嵐飛
鳥外珠樓歌吹夕陽邊一溪水拖千家塢萬樹花

含十里烟鏡浦清波搖鴨綠蘭橈載酒挾飛仙
萬里鵬遊屬壯年憑欄眼界豁雲天日斜樹影侵
階上風細荷香到枕邊簾捲蝦鬚斜帶雨簾鋪薤
葉冷無烟夜深沆瀣澄如酒身世飄然羽化仙
村村簫鼓樂豐年穠稔花明白露天壓棘黃橙輝
道左辭枝紅葉擁城邊瓊玻璃海色涵金璧錦繡山
光捲紫煙好待月明吹鐵笛樓中吟嘯即蘇仙
紅塵奔走幾多年按節來遊物外天縞嶺嵯峨連
北極銀濤浩渺暗東邊蒼松日射晴含雪綠竹風
微晚彈煙錦帳怕寒傾一罍此身還作酒中仙

大興隆寺

御溝流水綠溶溶信馬西街到梵宮
四面金鈴鳴落日千尋寶塔出層空
袈裟院院翻經偈香火人人拜大雄
坐久自憐禪榻靜鬢絲輕颺落花風

端午日如晦設壽席于春暉亭令兒女隊為
鞦韆戲亦有比丘尼來參者

青娥皓齒笑空妍浪作人間謝自然
強屈春心寄蘭若還隨女伴闌鞦韆
霜袍日照鵝毛嫩烏帽風輕燕翼翩
忽訝微塵成淨界如來方便散花天

別咸陽曹大虛之任

孫比長

蕭條身世誤詩書自笑平生向世疎
夢里每逢新按劍潛溪幸賴舊知魚
晨星落落長相望歲月悠悠已七除
對榻片言如問我晚來淡薄只如初

寄梁山守許謙

李仁亨

嶺南窮處是梁山蕭洒人煙十室殘
始訝望之三輔去俄聞宓子一琴閑
庾樓明月供詩興陶徑清風拂醉顏
一片停雲長在眼詠歸亭上獨盤桓

張良

蔡壽

奇謀不遂浪沙中杖劍歸來相沛公
借箸便能成漢業分符獨自讓齊封
平生智略傳黃石老云功

名付赤松堪笑世人長役役功成勇退是英雄

夏日渴甚獨酌冷燒酒過飲氣絕一家痛哭
洞中皆聞數刻閒都下盡傳其已死酒妻子
多納碎冰口中日晚始醒正如熟睡而覺頓
無困苦之氣因述所懷奉寄叔強幸與大虛
輩和教

世棄若平不足傷菟裘今已占高陽有時會合皆
歡伯無處遨遊不醉鄉羨祿孰云沈命法寒冰真
是返魂香陶然高卧羲皇上二子呶呶開我傍
不數群兒故謗傷功名亦是卧淮陽晚來知舊無

多子醉裏生涯何有鄉茅屋雪深燒楫拙梅窓日
暖嗅清香烏鳶螻蛄何分別壺酒無妨側掛傍
膏肓詩酒亦何傷况有孤桐出嶧陽一艇生涯依
笠澤百年身世寄桐鄉到今蝸舍薺鹽苦憶昔天
廚雨露香末路事功何所得真成骯髒倚門傍

賞花釣魚次韻應製

金訢

上苑芳菲一夜開翠華初自日邊來風飄漢帝橫
汾樂春滿周王宴鉞盃戲藻錦鱗時出沒轉枝黃
鳥乍低徊宸心正與民同樂恩許微蹤得暫陪

九日

舍舟登前峯西望東萊熊
川巨濟諸峯歷歷可數

愁邊無奈菊花枝三嗅清香當一危作客不堪逢
令節憑高逾覺在避陸蕭蕭草木窮秋後渺渺烟
波薄暝時迢遞故山登眺處遙知欠我醉吟詩
試登絕頂作重陽旒買前村濁酒觴佳節偏驚孤
客意寒花只作故園香明年何處逢今夕此日扁
舟滯異鄉不見長安渾欲老孤雲落照共蒼茫

在王河館次叔強韻

行橐蕭然欠一金猶欣不負昔年心詩緣大瘦經
春廢酒有奇功獨夜斟伏枕乍吟莊舄病登樓聊
散仲宣襟家山縹緲三千里蝴蝶翩翩夢裏尋

寒食

寒食無家心事違
物華猶是鄉國非
百五日前春欲暮
三千里外人未歸
夢裏松楸空縹緲
愁中桃李正芳菲
鞦韆蹴鞠都不管
自咏新詩送落暉

續東文選卷之七

續東文選卷之八

七言律詩

鳳山館曉起

丁壽崑

寒天短日擲輕梭
客子長吟出塞歌
自是生涯聞道晚
由來傳舍閱人多
十年宦海從愁老
萬里雲山和醉過
欲寫看來無限景
強題燈下筆頻呵

寄善卿

柳壕

龍香磨盡硯池乾
撚斷踈髯下句難
長日吟詩知筆窘
有時把酒覺心寬
功名無異嘗鷄肋
世味何殊食馬肝
獨伴青燈看古史
曉鷄三唱五更闌

贈姜子文

歸來彈鋏食無魚可惜生平志未舒
身老一官多淡泊家徒四壁有圖書
百年富貴終歸盡一世升沉總是虛
是處青山可埋骨不妨長醉寄樵漁

彥深見投

趙之瑞

愁坐清宵數漏籤朝來捲幔對山尖
鶯銜晚色啼深樹燕掠輕陰入短簷
卧穩正因身慣懶家貧非是我為廉
平生壯志消磨盡羞把菱花照老髭

宿嚴川寺

俞好仁

屈指藏脩二十年青山依舊在尊前
對牀黃面皆

新識隔檻踈篁只宿緣曉月濛濛羈枕外茶烟裊
裊鬢絲邊承恩玉署慚非分來下重來意惘然

病中朴上舍

信亨

見訪

山城病守怯商飆薄領叢中懶折腰眼力盡兼烟
漠漠鬢毛秋共葉蕭蕭相知白首愁零落滿意青
燈話寂寥刮目故人強健在鵬程意氣未全消

宿直旨寺與善源同賦

曹偉

東華十載久迷津今日禪房岸角巾霜後烏裨渾
脫葉月中鷺片漸生鱗篆盤香細寒更促佛榻燈
昏軟語真滿耳石泉清不寐明朝其奈踏紅塵

寄贈從弟存慎

存慎時為
武昌縣監

病骨嶢嶢瘦十分鬢毛衰颯白紛紛羈懷正苦龍
灣月歸夢頻過鳥嶺雲少日金鑾曾視草老來鐵
馬欲從軍故園消息今何似為問梅兄與竹君

存慎

問余從
軍故云

次韵荅淳夫

自笑儒酸抵骨清寸腸冰蘖闔嶢嶢功名不以要
三傑禮樂終須待兩生刻楮成時非實用吹竽混
處抵虛名年來已斷風流夢遠愧梅兄宋廣平

金藏臺二首

坡陀斷岸俯江皋乘興登臨望眼遙古來累累歌
石獸青山隱隱聳金鰲傷心廢苑烟花鬧滿目空
城塔廟高天地無情如昨日人間蟻蠓等秋毫
臺上蒼茫烟景遲那堪吊古更憑危丘園薺麥爭
春色城郭人民異昔時阮籍聊興廣武嘆鄒湛空
作峴山悲興亡萬古長如此不用哀歌詠黍離

題權觀察使綸逍遙亭詩卷

許琛

回頭人世隔雲泥夢斷東華迹已迷直欲枕流兼
漱石也勝騎馬更聞鷄窓窺海日蒼涼遠門對烟
岑紫翠低領略湖山真有趣杳然天地一幽棲

送任萬戶訓赴知世浦

爛熳春光去路遙
羽林初繫紫宸朝
韜深虎豹能開闔
威重湖山可動搖
水府晚烟迷蜃市
海門殘雨送鮪潮
貂蟬本自堯鑒出
努力功名鬢未彫

花園

血射無成便自嗔
到頭兵氣繞鉤陳
聚車未必能遮道
橫槊空勞枉殺人
運去君臣同掩涕
惡浮天地不容身
蒼皇一罷繁華夢
廢苑殘花寂寞春

松都本闕古基

操鷄搏鴨已雄飛
一炬秦宮舊業微
天下董公元

自健輦前愁紹竟何歸假威不恤窺神器蹈尾方
知觸駭機未待百年悲麥秀君王當日亦霑衣

壽昌宮

扶蘇王氣欲沉淪仲父潛謀巧奪秦尚有童心窮
逸樂豈知天意屬真人無情鳥語珠攔曉滿目苔
斑玉座春真向前朝耆舊說摩挲銅狄會霑巾

自負兒絕頂下中興寺洞次韻四首

十里行穿綠霧深踈慵猶自喜烟岑泉從絕頂奔
虛牝略略繞懸崖接大陰以說神仙歸洞府定知朝
市隔雲林題詩不用名垂世留與山僧話古今

一
然
俯首名韉未苦賢一丘何計老雲烟功名定自無
奇士山澤從來有列仙已遣風流驚物外豈容塵
土到鷗邊平生最愛玄真子蒟笠蓑衣穩度年
江空月小夜云徂螭榜紅舫拂渚蒲捲海潮聲搖
別島入雲山影落平湖來遊勝地吾差樂留與傍
人畫作圖酒又未醒身又倦漸看天外曉星孤
牙檣高擁木蘭船緩棹中流不向邊永夜角聲吹
片月近秋天氣澹疎煙詩成駭浪翻三峽酒盡長
鯨吸百川直欲神遊凌八極此行安得挾飛仙

阿房宮畫屏二首奉

教制衣進

終南山色鬱岩堯前斂平臨紫極遙萬落蜂房盤
地軸八方馳道卧雲霄天心已與人心改王氣潛
從怨氣銷千古分明殷鑑在也宜摸取上鮫綃
百戰蒼生竟困窮更煩餘力作朝宮周馳殿閣臨
無地隱映觚稜半入空琪樹香風春郁郁玉樓雲
氣曉濛濛欲傳萬世真虛計已在英雄睥睨中

無題

芙蓉池館畫橋邊一闌音塵兩渺然荷淚已傾仍
雨溫藕心雖斷亦絲連蕉裳細減金盆水羅袖輕
熏寶篆烟數寸柔腸千萬緒莫教容易減華年

送曹應教偉出知咸陽

丹丘夫子悟冥筌來駐頭流小洞天夢裏幾拈青
緜管案頭換得白雲篇滿城桃李千林雨比屋弦
歌萬井烟遙想朱轡多暇日遨頭應得領群仙

日本躑躅

權健

聞說名花在海東遠來枝葉尚蒙籠人心自是分
區域物性何曾有異同風送細香薰麝腦露沾芳
臉膩猩紅至今却笑未槎客獨取葡萄種漢宮
次靜修詩韵書霜臺壁

金孟性

自帝花笑一般春遇興題詩覺有神物外清遊山

共水人間虛譽實之賓舉杯自酌狂猶在對客忘
言意更真祇與沙鷗盟已慣閑來閑往許相親

清明日有感

黃啓沃

短帽烏衫趁卯申十年車騎逐黃塵功名本是妨
行樂時序寧知已暮春官柳市橋風雨後鈿車油
幕往來頻清明過了渾無省非是東君解負人

嶺南雜題

申洞

客恨春愁兩不窮相逢只怕一樽空千年舊地傷
心月一笛高樓滿面風春入詩壇留健句酒衝愁
陣著奇功浮雲往事憑誰問萬古興亡嘯詠中

夜坐有吟

金壽童

城西十里隔塵凡身世堪誇吏隱兼
擘岸晚風翻夕浪漏雲纖月入疎簾
鬪茶新試鎗銖火散帙仍懸甲乙籤
客裏不禁春興惱邇來詩酒癖難砭

秋夜書懷

李宜茂

唧唧鳴虫夜轉幽虛窓無夢數更籌
思家一日如三月作客從春直過秋
短髮飄飄搔更落流年冉冉去難留
強憑詩語閑消遣及到詩成反欲愁
遼陽途中寄義牧黃彥平同年 申從漢
江頭遠送駐行旌別後悠悠尚慘情
千里關河年

律暮五更風雪夢魂驚山連漠北黃龍塞路向遼
東鏡鳳城屈指歸期在春半一杯思與共君傾

宿牛家莊

寒窗策策閣風吹衾鏡生稜獨坐時白髮欺人增
老態青燈伴我作親知爐添榾柮供春暖飯糲泥
沙救夜飢試把菱花照憔悴鄉愁一抹上雙眉

廣寧驛偶書

遼左雄藩控塞天胡氛常雜萬家烟遠人跋涉投
郵傳地主殷勤送餽牽禹會何時紮玉帛堯封是
處問山川丁寧更與西風道穩送靈槎到日邊

正月十六日三夜都中女子雖豪門貴族靚粧徒步千百為群渡玉河橋問之今夜步過此橋有宜男之吉異哉

露浥瓊花萬萬條香風吹送玉塵飄不隨月姊歸蟾闕共學天孫度鵲橋一夜宜男成吉夢千金買笑薦春嬌明朝十里天街上多少行人拾翠翹

次正使董公泛大同江韻

平蕪淡淡接烟津鏡面澄澄絕點塵酒影暖涵金沆瀣山光晴浸玉嶙峋四千里路將歸客九十韶光欲暮春別後相思渺空濶天涯莫惜寄書頻

送別副使王公

早向青霄穩著鞭一時才器絕無前
草成方朔三千牘書破羲之九萬牋
龍氣衝星雷煥劍虹光貫月米家船
今年過海詩成集留與人閒萬口傳

贈安南使武佐

來自麓冷瘴海壩今朝初下潞河船
天低銅柱南逾嶺地迫金臺北走燕
客路風烟將萬里還家歲月抵三年
嗟余亦是思鄉者滯雨江頭各黯然

初到平海

權桂

瘴雲篩雨濕柴荆十日何曾見一晴
歌枕不堪群

蚤集臨飧還苦亂蠅鳴
獐蛇齕屈椽閒動紫蟻
縱橫席上行何處堂高
塵不到捲簾高卧夢蓬瀛

山居即事

柳順訂

雨霽黃梅晚色明
開簾獨坐對岩扃
林間鳳尾蕨芽老
園裏蠶頭菁子成
素月臨牕宵代燭
清泉漱石曉聞笙
閉門白髮從蕭颯
閑摘松肪養性靈

即事效拗體

李胄

天開寶刹三兩間
白業胡僧門不關
石塔百層半空入
鐵崖萬丈千古頑
寒潮曉落出塩井
黑霧晚消多海山
遊目天涯雲更遠
北書不至吾得還

次柳子厚別舍弟宗一韻

百年雙鬢已紛然地角從來此一邊
閩越古邦人盡斲桂江腥兩日如年
山回劒戟秋連海舟落湘吳水擊天
此去莫更思乃伯放臣骸骨足蠻烟

次安邊樓題

鐵關天險似秦中古塞悲笳落遠空
凍雨斜連千嶂雪飢鴉驚叫一林風
百年去住身先老半世悲歡氣挫雄
萬里羈懷愁不語關河迢遞近山戎

偶書

申溥

烏靴十載踏塵紅飄轉羈蹤任斷蓬
合眼幾成鄉

國夢抽身欲出簿書叢沙痕水沒連朝雨渡口舟
橫過海風俛仰古今還感慨孤吟落日立軒東

次瀛海樓韻

李世仁

持節窮年滯海陬幾回吟倚最高樓兩餘晚照紅
將歛天末遙山翠欲流客倦長途思穩睡鷗專曲
渚任輕浮若為粗報君恩了閑伴漁翁棹小舟

秋興

李世龍

西風落日坐樓頭一笛聲高萬杵秋詩酒生涯兩
鬢雪江湖文字十年愁山中有約堪投老海上忘
機可狎鷗白首永懷斤鼎志四年惆悵困炎州

秋夜有懷

賢孫

空齋愁寂夜冥冥
歲晏難堪久客情
風透破窓搖燭影
雨侵疎壁濕蛩聲
人間桂玉身長困
江上鱸蓴夢自驚
早晚南山營一畝
白雲蒼石養殘生

佐贊驛

洪彥忠

佐贊東邊僧寶西
漫漫大野天為低
斷蓬隨風去
不息客子信命行
都迷半世雕虫壯
夫恥舉家食
粥嬌兒啼如今身
事更堪說獨倚古
驛扶枯藜

遊橘島

海外還為海外人
始知身世更無鄰
逢迎魑魅新

相識邂逅江山舊見親
鞭石擬窮烏兔窟乘槎直
泛斗牛津平生此興元
非淺何用離騷學楚臣

過高靈

百年城社消磨後一片江山戰伐餘
蝸角兩雄誰勝負兔謀三窟竟空虛
秋風野水閑浮鴨過客詩篇獨跨驢
安得一尊澆往事醉憑天地作蘧廬

病中書懷

鄭希良

落日關山瘴霧橫角聲淒冷動邊城
將軍翠幕開清宴羈客西風對短檠
詩句却因愁裏得旅情多是病中生
明時魑魅憎相伴悶默空齋獨自驚

讀宋史

建隆初築大平基半夜相傳揖讓規家法忽從金
櫝變天心先許杜鵑知啁啾群議江南割零落諸
賢嶺外移誰勸康王回馬首可憐殘業績如絲

偶書

年來索寞鷗江濱回首塵沙欲問津客裏偶逢寒
食雨夢中猶憶故園春一生愁病添衰鬢萬里溪
山著放臣直以疎慵成落魄非關時命滯詩人

寄慵齋居士

客魂銷盡瘦崢嶸
咄咄長齋默自驚
片月照心臨

古國殘星隨夢落邊城故人字跡千金重老子聲
名一髮輕莫話陳雷生死地從今粗亦識時情

鴨江春望

邊城事事動傷神海上狂歌異隱淪春不見花猶
見雪地無來鴈況來人輕陰漠漠雨連曉細草萋
萋風滿津惆悵芳時長作客可堪垂淚更沾巾

病眼次友人韻簡擇之

朴問

閉眼深居不啓關翠軒閑却半簾山孤如籠鳥長
思似癡似秋蠅更怯寒豈有顛狂舊情興漸成枯
槁老容顏百年身世誰非寓出處悠悠涕自潸

再和擇之

深秋木落葉侵關戶牖全輸一面山縱有盃尊誰
共對已愁風雨欲催寒天應於我賦窮相菊亦與
人無好顏撥棄憂懷真達士莫教病眼謾長潛

次擇之

一笑汝曹猶不滿百年吾道果終窮浮名如此無
多取造物於人豈未公白首詩書今有味明珠薏
苡久相蒙隣鷄接響還高枕門外輪蹄轉覺忽

遊鳳凰岩

一歲春風得二分佳期千里又逢君江湖漠漠送

孤艇今古紛紛唯斷雲萬事不關青眼裏無心可
入白鷗群登臨壬戌猶堪賦欲喚蘇仙儻有魂

福靈寺

伽藍却是新羅舊千佛皆從西竺來終古神人迷
大隗至今福地似天台春陰欲雨鳥相語老樹無
情風自哀萬事不堪供一笑青山閱世只浮埃

舟行風景甚奇恨不與故人同樂悄悄獨坐
情益無聊因思擇之遊靈通詩惜無吾輩與
同醉之句有懷其人作詩寓意云

知己即今真不數此身在世轉如疣却因羈旅聊

成興多謝天公偶見收浙漑檜杉神勒月蒼茫風
雨豆彌舟惜無吾輩與同醉回首靈通憶舊遊

戲擇之

朝廷今要詩書學冠蓋誰憐潦倒翁幽夢每回驚
啄木小軒終日掃清風酒盃款款無違拒憂喜悠
悠併一空身自低徊心已決舊山松筍謾成叢

十月四日與擇之約携酒叩仁老擇之忽以
病報不果獨坐有感於心終南故人偶以菊
花見寄對之自慰妻輒呼小鐵鐺煮酒且酌
且勸飲之不計巡醺然醉夜已再鼓矣取紙

筆書數句為詩待明寄擇之發病中一笑醉
中書頗有所謂香拖風氣末句聊以戲之耳
黃菊花來撥懷抱青雲人遠廢追尋風從木葉蕭
蕭過酒許山妻淺淺斟使有兩螯吾易足誰將一
事更相侵知君擁被寒如鐵夢不能成只獨吟

贈直卿

秋來屈指待君回準擬盃尊日日開誰料相逢不
相見祇應堪笑亦堪哀知君羸病今何似奈我清
狂未自裁後夜雪晴乘興去寓庵燈火聽談雷

邇來絕不作文字案上有擇之詩時時誦

之餘有感而和

詩情往往猶能爾酒興時時未要禁
晚向此中聊可托曾於世事已無心
青臨書帙山長近寒擁柴荆雪政深
誰識微醺發清咏北風吹日欲西沉

重和

朝來詩句劇多感令我長吟難更禁
歲晚憐渠不負予生平唯酒可論心
悠悠涉世久知倦寂寂避人今已深
誰載鷓鴣夷輒相問青山繞屋凍雲沉
夜卧誦曾來鳴字韻有感因和之聊付書以

寄

枕上得詩吟不輟羸驂伏櫪更長鳴夜深纖月初
生影山靜寒松自作聲老婢撥灰明兀兀孺人挹
酒勸卿卿醉來捉被還高卧未覺甕中有不平

和擇之

江山在眼情俱往香火關門歲欲窮自笑如今無
一興更憐有約不相同空尊何可對新雪病騎轉
愁當暮風終日寂寥長抱膝和君詩罷覺忿忿

翠軒春睡之餘浩浩乎有興披詠前詩尤不
能自禁明日之約可能諧否聊用元韻呈容

齋發興

再添春氣暑朝眠夢裏鳴禽在枕邊跨馬從知興
不盡見山聊復座頻遷此懷耿耿君應識勝處時
時我欲顛未賦歸來且行樂還憑綺語謝催鶻

癸亥二月余南歸謁舅氏廿有二日到保寧
營淹留十餘日每遇山海勝處輒痛飲為樂
酒醒必為詩以記而亦有不服者故所得不
多

營後亭子

地迫未窮千頃海山開猶納一頭潮急風吹霧水
如鏡近渚無人禽自謠客裏每為清境惱日邊更
覺故園遙苦吟不去乏新語愁見落暉沉遠霄

平生病眼怯遐矚尋丈之間殊不分鳥過猶憐一
點雪山橫但覺萬堆雲西邊落日劇相盪空裏玄
花左自紛隱几茫茫輒成睡琅然鐵撥只堪聞
地如拍拍將飛翼樓似搖搖不繫蓬北望雲山欲
何極南來襟帶此為雄海氛作霧因成雨浪勢翻
天自起風暝裏如聞鳥相叫坐閒渾覺境俱空
憐我朝來獨吟處一竿初日照簾旌風颿飽與潮
俱上漁戶渾臨岸欲傾雨後海山皆秀色春還禽
鳥自和聲客中奇勝猶須句平世文章不要名
僕一二年來頭有白毛始生之髮屢見素莖

室婦嘗鑷以視我付之戲笑蓋偶然耳自經
憂患種種見之眼昏復甚於曩日嗟乎在世
者能幾何久而士華且箴以節飲乎風雨襲
人獨坐長歎之餘情發為詩吟罷有感於殘
生故書以示君其謂何五月廿有八日閤再
拜擇之先生

憂患祇應關已事心懷尚欲為誰寬鬢毛颯颯生
秋氣風雨淒淒作曉寒萬事可能辭爛醉十年端
悔做微官遽然罷却湖山夢依舊塵埃自滿冠

訪直卿

與病君今謀契濶於時我亦作蘧藤十年知己偶
同此一笑相看聊自如坐久都忘刻漏盡談間已
了毀譽虛主人留客故多事更出平生未見書

夜卧有懷士華承旨

故人自致青雲上老我孤吟黃菊邊高蓋何堪容
陋巷酒盃終不負新篇一年秋興南山色獨夜悲
懷缺月懸旅鴈似知無伴侶數聲飛過沈寥天

前承惠詩使我懷益鬱鬱久而未敢和也時
時披詠情發不能自禁因綴成章奉寄容齋
臨風高詠七言詩歲晚襟懷兩轉依我已思歸江

海遠君今謝病往來稀早知有命非人力何遽將
身與酒違嶺月籬花宵寂寂不堪愁緒作重圍

十月十七日夜余過寓庵劇飲聯詩四篇明

日頗省其韻賦此詩追記其事寄寓庵

萬事問天還自笑一心與世不相謀偶乘明月從
君話能有深尊慰我愁卒歲優游差足樂平時落
魄更誰尤已酣尚為黃花飲欲去仍將好句留

放言

金終弼

丘壑棲遲乏善名唯堪慵拙養殘生藜羹不羨千
鍾饗肉食終危五鼎烹雕俎加肩非甌願廟巾笥

骨豈龜榮焚香默坐蒲團上此理知誰可聽瑩

次梅溪韻

成仲淹

吾衰無夢到金門虛度良辰嶺外村往事春泥鴻
著爪浮名蒼海劍無痕飄零羈羽何當舉寂寞灰
心不復溫自幸知音梅老在江南風月養詩魂

次韻答仲說

塞外風霜故舊疎清癯今作病相如半簾寂寞三
更月四壁蕭條一卷書早識塞翁無失得靜看天
道有盈虛我泮從古知音少獨抱焦桐卧樊廬

贈洪主簿

暫從朝市厭塵囂
早歲歸田已息交
細雨江干青蒻笠
清風屋上海棠巢
自占物外無窮興
都把人間萬事拋
愧我當年迷進退
如今身世繫爪匏

次淳夫韻

年來閉口欲無言
盡日持觴不出門
頗覺閑中詩有味
任看衣上酒成痕
名塗從古危炊劍
身世如今類檻猿
松菊秋風應待我
帶鋤何日理荒園

淳夫次示礫韻再用和寄

表裏鏡裏度崢嶸
夜夜愁聞擊杵聲
飛雪入簾添骨冷
歸雲掩月失窓明
已知筆硯為身祟
誰使文

章假我鳴莫怪年來憔悴語不堪抱病卧寒城

自正月步還老僧數輩送余過西溪余顧笑
曰此無乃虎溪乎有禪上人者笑荅曰貧道
非惠遠是何言耶遂吟韻一絕

窮年抱病卧荒村此日芒鞋興復新天地無心容
我輩江山有眼識詩人蹉跎已作明時棄索寞還
從異類親共渡西溪成一笑擬從香社謝紅塵

廣淵以詩送我即用其韻荅之 盧公弼

長歌天地一身微病骨支離壯志違末世人情饒
冷暖高秋物色換芬菲功名自古多招禍進退何

入早決機投老江湖吾已決未容五十始知非

次張舍人壁上韻

濛濛煙雨洗寒波鏡面翩翻白鳥過老子此時興
不淺次公何事酌無多長江俯瞰千尋練遠岫平
看萬點螺不有酒尊供爛熳其如牢落客懷何

題耳叟

柳洵

堂上開樽對孟光門前曳杖看方塘閑尋泉脉行
苔徑醉愛松陰卧石床自負有山兼有水不論流
臭與流芳披心許我頻相叩和氣薰然滿一堂

送士美省親南州

權敏手

送君今日出城闌
脫得紛紛擾擾身
試覓江樓最高處
仍留夏日遠行人
世間得失無窮事
堂上晨昏有幾春
我亦思歸未歸去
不堪清夢往來頻

七言排律

奉教題日出扶桑圖

金守溫

天衢漠漠夜分央
啁哳金雞響曉光
羲馭暗從來厚地
火輪飛躍出搏桑
蒼涼半露虞淵面
蕩暖初添黍谷陽
照徹覆盆寧有碍
息加蔀屋自無疆
蓬萊隱映三山杳
海若踟躕百鬼忙
誰信聖輝覃八表
卻從堯典頌平章

與漢城判尹姜用休左尹韓斯文工曹叅判
金君諒叅議閔師騫同審宮城臨壓人家

成俔

根本神都漢水陰山回龍虎窈而深百年烟火紛
成聚萬屋歌鍾正鬧吟闌闌縱橫入似海街衢交
錯土如金爭尋隙壤開軒宇分占幽蹊傍樹林不
是有心臨魏闕偶因無地斷層岑誰人能解青鳥
術愧我空悲白髮簪自信形骸猶韞鑠強扶筋力
陟嶇嶇重陽節近登高遠野菊花開滿意斟邂逅
故人同酩酊團圓今日暢宵襟却憑官事成佳會

半醉歸來日欲沉

送入全羅成節度使俶

金訢

聖恩分閩轍仙班鳳詔淋漓墨未乾
自許生來志弧矢誰能老去事鉛丹
玉門都護曾投筆銅柱將軍試據鞍
何似上坡初視草便從西府即登壇
禁中新喜得頗牧徼外爭傳有范韓
燕領虎頭知肉食龍韜豹略自胸蟠
彩旗影動春風細畫角聲高曉月殘
緩帶何嘗妨武猛高牙聊且壓儒酸
嬌兒妬寵心應捧燕虎聞名膽已寒
笑殺讀書生白髮十年空戴侍臣冠

東郊觀獵三十韻應製

東國一千年降聖無為垂拱舜衣裳明良際遇風
雲會螢燭依乘日月光玉帛梯航來萬里風塵刀
斗靜三方周文郁郁監商夏漢業彬彬邁晉唐天
地清寧調玉燭國家治泰繫苞桑躬推帝籍耕千
畝克詰戎兵務外攘稽事三時勤勸課場功連歲
告豐穰以時蒐狩追前軌要簡車徒戒儆裝五夜
報籌金闕闢三軍告駕玉鑾鏘微風汎掃清前道
落月淒清繞未央霽色鮮明褰宿霧瑞光浮動旭
朝陽平鋪綠野迷林藪蒼盡黃雲刈稻梁極杖丁

丁包洞壑張罟肅肅截山岡跑空駿裏三千隊擁
野貌貅十萬行鼓角響空驚霹靂旌旗蔽日欲昏
苗魚麗整整軍容肅鶴翼翼堂堂陣勢長已遣合圍
生虎豹更催飛箭落驚鷄蒼鷹掠地便搏擊黃犬
穿林慣走踰蹕鹿麕悲走險縱橫熊豕似驅羊
冥鴻已失四飛路狡兔猶難三窟藏擊水大鵬須
斂避盤空蒼鶻欲徊徨郊原暗慘灑毛血草木腥
膾塗胃腸漢主上林誰比數楚王雲夢固難當翠
華盡日留朱輦法醴流霞進玉觴何幸小臣陪羽
獵愧無詞賦奏長楊宴安是懼聞前聖玄默為神

是哲王洛汭十旬嗤夏主網羅三面祝殷湯淵冰
要自懷兢業佚豫須知戒怠荒義易三驅垂軌範
虞箴一語砭膏肓欲陳芹曝誠空切願獻丹墀永
不忘

次彥深兄十韻咏懷

申洞

塵機誰似海翁忘皓首當年未免郎自倚短筇扶
病骨每看佳句洗幽腸一身今落儒冠誤十載辛
酸世味嘗錢布庭苔全繞碧玉抽畦薤半含黃開
碁對客高談快染筆題詩晚趣長家甕忽傳新釀
熟園塘時發舊渠香身兼影月為三友琴與圖書

共一牀北牖清風携颯爽西山嵐翠挹微茫殘葵
向日傾應切疎竹經霜晚更蒼剩得如今閑有味
任看衰鬢彥深兄

貫虹樓

金勣

千年景運啓庀鴻當宁清明萬化隆宵旰母勞思
繼述宴安為戒念癯侗盈成大業要持守密勿同
心競奮庸蕩蕩乾坤皆在御滔滔江漢盡朝宗曠
曠紅日行黃道黼黻卿雲繞紫宮玉燭光風開橐
籥璇衡叶氣運鴻濛狼狐黯黯藏芒靜蠻獠睢盱
稽首恭鴈塞榆關傳箭息靈祗后媪孕祥豐山河

環拱宸居壯象魏聯低鰲背崇虎豹宵嚴閭闔
夔龍曉出闔闔通法衣纔拱明光裏仙仗俄移太
液東金殿玉樓迷處所壁題丹棟聳震空坤靈輶
輶挈奔虎地勢迢迢蟄卧龍晚恐綺䟽鉤大角晴
看銀榜貫長虹氣凌沆瀣迎清旭界絕氛埃抱昊
穹雲擁觚稜常霽霽山當複道直龍從上方烟景
深如海閤苑風光暖似烘雉扇雙開花氣合鷄翹
高拂柳絲籠日臨丹宸龍光動風送天香篆穗穠
玉笋班曹來近侍水蒼環珮拜群公虎賁百隊森
如樹陞楯千行勇格熊虞典臣隣尊稷卨漢廷文

學陋嚴終皇王帝霸徵純雜易禮書詩較異同及
復危微精一語沉潛誠正治平功咨嗟臣主歡魚
水嘆息昏庸劇瞽矇忠厚欲教還大雅煩苛且戒
任偏聰洞觀治亂興亡際盡在賢邪消長中芸香
辟蠹來前砌竹色侵書動遠叢爛熳共紬金匱秘
研精競發玉函封昇平旣自崇文教經遠寧忘習
戰攻勅選虎臣千耦整進來猿臂百夫雄曾藏金
版六韜略手引精材八石弓破的渾驚晴電散穿
楊真見曉猿窮光騰東壁方延士塵靜三邊更詰
戎恩頒御府重重賜喜入龍顏燁燁紅人在靈臺

春藹藹詩謌天保日泐泐銘心總幸同涵澤聚首
皆言各盡忠淺劣何能褒日月鋪張誰擬薄雷風
即看舜帝賡歌盛不數楊雄賦頌工未有涓埃為
報効恭祈聖壽倍呼嵩

續東文選卷之八

續東文選卷之九

五言絕句

烟籠江水

姜希孟

江空噴虛白
匹練橫江中
忽然聞欸乃
知在蘆花叢

閨情

金克儉

未授三冬服
空催半夜砧
銀缸還似妾
淚盡却燒心

坡州途中

崔淑精

古國春方好
是子西去時
東歸春亦老
添我鬢邊

絲

沙斤驛午飯

李瓊全

倦客支頤卧探詩日向中一聲聞翡翠啼在驛窓

東

寄君實

惇

旅館殘燈曉孤城細雨秋思君意不盡千里大江
流

題畫扇

黃葉秋風裏青山落照時江南渺何處一棹去遲
遲

寄伸二絕

曹偉

旅鴈不成行邊聲日暮起相思空白頭悵望入千
里
迢迢關塞長默數家山路何時連夜床共聽梅堂
雨

六月流頭日與宗之叔度太真遊南山聖齋
岩洞張蓑度雨使人炊飯手採山蓼以配飯
夜二更雨歇月出戴月而下

南孝溫

老子老持律詩扁已戒荒溪山起我病馮婦下車

亡

題聖居山元通庵窓壁

東日出杲杲木落神靈雨開窓萬慮清病骨欲生
羽

漁人若老舟上經四宿船板書懷

撥火炙魚心編茅結小陰舟中朝後夕烟雨一江
深

神勒寺

李達善

禪房僧已寂獨坐夜將分知有漁舟過江心人語
聞

南山雜興

賢孫

獨坐磻邊石爽然清入骨
回頭數栖鴉東巖新月
出

伯牙

申沆

我自彈吾琴不須求賞音
鍾期亦何物強辨絃上
心

冷泉

金千齡

涓涓一勺水瑩瑩涵冰玉
雖慚灌溉功庶可資挹
掬

山行

趙廣臨

溪邊踏白石松下見青山拄杖尋樵徑幽花開已
闌

七言絕句

題高峯雲月軒

金守溫

余與釋氏排之久矣况為其言而言之乎
今汝南梅子辱知有年而求題雲月軒則
意有不可孤焉者矣雖然母謂其小兒強
解事也

雲有浮沉月晦明從來未若大虛清憑君為語高
適客莫把陰晴弄一生

題鄭府尹山水屏八首

斷岸孤舟水國村
蒼茫草樹暮春痕
西風吹送天涯雨
白脚滿空空半昏

草堂閑坐愛幽棲
睡起南窓已午鷄
忽聽家童來報道
溪流漲到竹林西

誰家亭榭露崖頭
喬木脩篁一境幽
矮榻已空春寂寂
主人携客泛扁舟

來牛去馬日紛紛
官渡舟船兩岸分
潮退海門洲渚遠
鴈回千里自成群

古木蒼藤合杳冥
僧房高下綵霞明
山根一逕連

卷之九
步
峯頂布韞青鞋著我行

百尺橋臨千尺湍風生萬壑夏猶寒一驢暮客歸
何處心在三峯縹渺間

籬下長江家上山山中蘭若入雲端清明共待山
頭會一座僧歡雜俗歡

描山描水描如神萬草千花各自春畢竟一場皆
幻境誰知君我亦非真

次天壽寺韻二首

頽垣破礎暗螢飛贏得都人指點歸却似千年遼
鶴唳山川如舊昔人非

春風處處百花飛
擬向松都匹馬歸
五百年間人物論
迷君誤國定誰非

四皓園碁

徐居正

於世於名已兩逃
閑園一局子頻敲
此中妙手無人識
會有安劉一著高

雪

禪家初喜皎然至
詩壘還逢白也來
羞作顛狂春後絮
相從淡薄臘前梅

麻浦夜雨

百年身世政悠悠
夜雨江湖惹起愁
袖裏歸田曾

有賦已拚終老白鷗洲

小雨

朝來小雨更廉纖
落絮飛花滿一簾
九十日春今已暮
病餘杯酒懶重拈

即事

小沼如盆水淺清
菰蒲新長荻芽生
呼兒為引連筒去
養得芭蕉聽雨聲

次尹洪州梅花詩韻兼柬吳君子

梅花如雪雪如梅
白雪前頭梅正開
知是乾坤一清氣
也須踏雪看梅來

春日

金入垂楊玉謝梅
小池新水碧於苔
春愁春興誰
深淺燕子不來花未開

偶吟

深院風恬柳影多
寒塘雨足長蒲芽
閑愁正與春
相伴獨坐無言數落花

晚山圖

嵯峨古樹與雲參
石老岩奇水滿潭
更欲乘鸞吹
鐵笛夜深明月過江南

菊花不開悵然有作

佳菊今年開較遲一秋情興謾東籬西風大是無
情思不入黃花入鬢絲

途中

雨後長途澁馬蹄龍鍾衫袖半霑泥
漏雲斜日長林晚無數山禽種種啼

題花簇贈僧

李承召

一樹閑花偷雪白雙棲錦羽染猩紅
傍人盡作丹青看不悟從來色是空

題畫蟬

香燒古篆坐蕭然讀盡黃庭內外篇
一味天真無

與語畫中相對飲風仙

送丁正言

克辭官還鄉

翻然來又浩然歸莫把行藏較是非垂老飽參塵
世味不如春雨故山薇
未有簪裾解絆君肯教猿鶴怨移文馬蹄踏雪遲
遲去回首觚稜隔五雲

留義州待使臣次朴判書

元韻

旅館偏驚變物華風吹柳幕翠歌斜山城地僻餘
寒在五月初看芍藥花

松

寸根移植近前墀已見童童翠蓋歌待得霜皮圓
四十斲開蒼蘚拾流脂

松都三首

洞府深深鎖紫霞樓臺何處侍中家仙姝一去無
消息樂府空傳進酒歌

五冠山與白雲齊老樹參天杜宇啼孝子清風吹
萬古行人猶唱小唐鷄

土峴晴雲披素練朴淵飛瀑倒銀潢豎鞭看到斜
陽暮更拂蒼苔寫短章

美人圖

閑來相與闔圍棋却被春嬌下子遲
手托香腮無限意桃花枝上轉鶯兒

摩尼塹城

姜希孟

海上孤城玉界寒風吹飢瀝露凝溥步虛人在青
冥外吟罷瓊章月滿壇

病餘吟成

南窓終日坐忘機庭院無人鳥學飛
細草暗香難覓處淡烟殘照雨霏霏

寓龜孫弟有作四首

一枕冰漿瑪瑙寒窓涵雨氣潤衣冠
兒童走郭南

溪漲打得纖鱗忽滿盤

池荷弄影覆清漪
翠羽含魚渡水遲
懶趁朝參探

野趣城南風月屬吾私

車馬門前絕往來
青苔挾雨錦紋堆
夜深小閣渾

無夢細細燈花落又開

雲物低垂咫尺迷
雨餘清漲沒空階
香燒小篆生

烟縷閑看庭前燕啄泥

生陽館山茶盛開吟成一絕

山茶花發簇嫣紅
歲久根盤作大叢
自是地偏車

馬少年年開謝小園中

梅

黃昏籬落見橫枝
緩步尋香到水湄
千載羅浮一輪月
至今來照夢醒時

笋

萬卉歸藏六氣嚴
微陽地底更恬恬
纖蟄龍却被春雷動
半露崢嶸紫角尖

閑吟

慵來負手望雲山
巷絕輪蹄却似閑
覓句忽圓還一笑
恠禽驚起掠簷端

荅平仲

杉松影裏一村家
急雨顛風睡若何
冷暖辛酸曾染指
世間真味到閑多

題畫松二首

生長深山萬丈長
幾經雷雨與風霜
終然甘作溝中斷
不願殘形擬棟樑

剝落皴鱗綠蘚紋
清溪齒岸露霜根
空山薄暮生青靄
半雜蒼藤抹一痕

次金太守李孟韻二首

長安渺渺幾關津
門掩脩篁一老身
古篆香燒殘午夢
一庭微雨少來人

金鞍腰裏玉翻蹄帝里烟花鶯亂啼醉後春風曾
一夢白頭閑卧堪灘西

次韻金太守詠田家

流水涓涓泥沒蹄暖烟桑柘鶉鳩啼阿翁解事阿
童健剗竹通泉過岸西

作墨戲八幅題其上贈金太守八首

花鴨翩翩戲石缸彩翎如錦照秋江長松影裏無
人見飛去飛來自作雙
長鳴眠食似無求日落江空得自由誰向無人看
意態十年曾伴鑑湖秋

羅浮月落夢悠悠影蘸西湖湖水頭千載玉魂招
不返試將毛穎討清幽
紫蔓蟠空錦葉稠芳髯細細綰綢繆分明昨夜龍
公徒撒却驪珠風雨秋

秋氣稜稜洞壑深葡萄引蔓接輕陰霜乾黑子甘
如蜜時見群狙聖得尋

幽蘭弄葉政猗猗相伴秋風剌棘枝共遂生成同
雨露始知天地自無私

奔走紅塵鬢欲絲兩番看竹雪霜時老閑不禁留
餘想且作春雷發蟄姿

脩竹千竿擁一村風敲亂響攬人聞當渠不必傳
神看京洛他年欠此君

對梅讀易

孫舜孝

三畫初成萬變存箇中俯仰只乾坤看來不覺梅
花爛猶把濂翁太極論

開樽愛月

月白東巒便照堂一樽涵得幾多光只憐些子清
輝發不許庸人取次嘗

登樓望鷹

獨坐危樓望四郊浮雲捲盡一鷹高翩翩直上千

層碧那箇飛塵點羽毛

次慶州營廳韻

崔應賢

塵間榮辱幾番春
案牘堆邊白髮新
夜半慣成林下計
明朝又作未歸人

夜坐即事

許琮

滿庭花月寫窓紗
花易隨風月易斜
明月固應明
夜又十分愁思屬殘花

多景樓又賦

坐向郊頭草染衣
日斜山氣轉霏微
滿江春色無拘管
一任楊花上下飛

臨別錄呈董王兩使

青烟漠漠草離離正是江頭送別時
默默相看無限意此生何處更追隨

乙酉二月二十八日宿稷山之成歡驛濟州
貢藥人金克修亦來因夜話略問風土物產
遂錄其言為賦毛羅歌十四首金宗直
郵亭相揖若相親包重般般藥物珍
衣袖帶腥言語澁看君真是海中人
當初鼎立是神人伉儷來從日出濱
百世婚姻只三姓遺風見說似朱陳

星主已亡王子絕神人祠廟亦荒涼歲時父老猶
追遠簫鼓爭陳廣壤堂

水路奚徒數千里年年來往飽曾諳雲帆掛却馳
如箭一夜更風到海南

漢拏縹氣通房駟雲錦離披水草間一自胡元監
牧後驛輜歲歲入天閑

烏梅玳瑁黑珊瑚附子青皮天下無物產非惟東
府庫精英盡入活人須

車螯海月與蠔山巨口文鱗又幾般日暮腥烟羃
鄉井水虞千舶泛鮮還

萬家橘柚飽秋霜採著筠籠渡海洋大官擎向彤
墀進宛宛猶全色味香

使君車騎簇長圍雉兔磨磨百族披海島但無熊
虎豹林行露宿不驚疑

庭除草際遇錢龍祝酒焚香是土風北人驚怕爭
相笑還恐吳公在竹筒

問闔子弟游庠序絃誦而今樂育多滄海何曾斷
地脉翹材往往擢巍科

頭無岳上靈湫水旱不能枯雨不肥霹靂雲嵐生
造次遊人疇敢褻神威

火脫島西水相擊風雷噴薄怒濤高萬斛海鱗傾
側過行人性命若鴻毛

候風淹滯朝天舘妻子相看勸酒盃日中霖霖霏
霏雨知是鯢魚噴氣來

和洪無善濟川亭次宋中樞處寬韻

吹花擘柳半江風檣影搖搖背暮鴻一片鄉心空
倚柱白雲飛度酒船中

謝德方惠僧統送扇

方外神交有惠休松風蕉雨憶曾遊年年六月炎
塵漲分我龍天一掬秋

東都寒食

馬隸牛醫有子孫竹枝處處紙錢飛
羅王陵墓無
芻狗只見春蕪覆燒痕

溫泉雨中望西山瀑布

海上終風挾雨騎蓬山平地欲棲蛟
却將南畝傷
農眼閑望西巖瀑一條

長峴下人家

籬外紅桃竹數科雪雪雨脚閒飛花
老翁荷耒兒
騎犢子羨詩中西崦家

學士樓下梅花始開病中吟詩二首

學士樓前獨立仙相逢一笑故依然肩輿欲過還
攀慰今歲春風太劇顛

春慵和疾過清明官况惛惛睡易成吟到梅邊幽
興動吏胥爭道使君醒

嚴川寺午睡

麥熟何妨省教條偷閑慙憇野僧寮翛然午睡無
入覺只有林間婆餅焦

先涅槃庵

門掩藤蘿雲半扃雲根矗矗水泠泠高僧結夏還
飛錫只有林閒猿鶴驚

議論臺

兩箇胡僧衲半肩
岩間指點小林禪
斜陽獨立三盤石
滿袖天風我欲仙

靈神菴

箭筈車箱散策回
老禪方丈石門開
明朝更踏紅塵路
須喚山都沽酒來

贈古涅僧

求名逐利兩紛紛
緇俗而今未易分
須陟頭流最高頂
世間塵土不饒君

呈藏義寺讀書諸公七首

病餘廢詩久矣夜來精神差健偶吟七絕
錄似克己可行大虛餘三君子鄭重不能
及也休怪七月二十二日也

六君萬中青錢選陶鑄唐虞在一身請看廊廟權
衡手半是英陵諸養人

廟功金地擬西清鐵硯如今鑄欲平目送飛鴻口
王霸朝廷終是采虛名

韋編久作杏壇塵萬古淵源只一春魚躍鳶飛潑
潑地子思曾是指南人
前後曲午真太史渥洼天馬獨行空後來更有春

秋筆雲谷誠能揭至公

擇焉不精語何詳百氏膠膠大道荒砥柱中流配
山斗至今韓後說歐陽

詞賦紛紛各闢雄古來只有杜陵翁憑君三復無
邪頌月露風花眼底空

六君名姓已登瀛何況波瀾更老成撼樹蚍蜉真
可笑病夫無奈太丁寧

八月緄妻生子於開寧橫川里舍善源名以
喜孫十月二十八日緄妻來密陽吾淑人出
門欲抱其子始知月初已失

調麝研砂有老姑迎門不見掌中珠天公薄厚真
難曉春暖鷄窠八九雛

元朝和通之兄

翻覆年來亦到梅貧居牕底未曾開君家竹葉非
無分策杖從茲數往來

四月十五日以病草辭免應教狀遣人馳獻

于承政院仍誦東坡無官覺身輕之句寂坐
小軒睡悟有作書諸窻紙

今日無官返我初小窻幽夢到華胥一鑪蒼术薰
書了分付清風自卷舒

送李節度

季鎮鏡城

三箭奇功豈足收
吾王不要月支頭
西來搭矢應千束
賴有平平定遠侯

今年眼昏益甚
園中杏花盛開
視之如霧中也
仍吟子美老年
花似霧中看之
句遂用其字為
七絕句

東牆兩杏人言好看
未分明只繁皓片片
飛來落硯池回頭
忽覺春光老看花已
負艷陽年今日無
悰肯怨天公子王孫
煩寄語追蜂趁蝶不
妨顛

春來視物隔重紗若比前年老更加眼豈負余余
負眼憶曾看遍杏園花
歲歲年年人不同年年歲歲花相似
迤清縱是俠
斜徒此句古來吟未已

漢陽城中千萬樹遠近看來隔烟霧何似閑窓擁
鼻吟綦巾笑報槽床注

花鬢花瓣雖難數折得猶能辨白紅只恨簪纓常
在首不教六物蘊胸中

眼中安障尚偷安所患心盲攬五官今日花前更
料理風流却勝少陵看

十絕歌

府土城

李侯版築得天時
海寇遊魂不敢窺
為問遺祠在何處
壞城秋草自離離

太祖山

指為水火是甄王
仁義終能定四方
試覓山中盤馬處
岩花澗草發天香

順忠公舊居

故家喬木至今存
太守應先下里門
半是簪纓半刀筆
順忠公後幾雲孫

迎鳳里

鄉人從古重膠庠
翹楚年年貢舜廊
一片城西迎鳳里
青衿猶說壯元坊

冶隱故居

烏山鳳水恣徜徉
冶隱清風說更長
爨婢亦能詩
相杵至今人比鄭公鄉

烈女藥哥里

蒼海茫茫紫鳳騰
八年生理只孤燈
歸來試把菱花照
臉上丹霞一半凝

十月波亭

扶桑使者每揚舲十里尊罍慣送迎
賴是聖明聲教遠遨頭頻上月波亭

寶泉灘

寶泉灘上集商帆
千室人人食有鹽
誰要脂膏營什一
古來長吏罕能廉

祭星壇

竹杖庵邊古樹攢
石盤猶鎮壽星壇
聖神今日輝南極
負海人將指點看

桃李寺

桃李山前桃李開
墨胡已去道士來
誰知赫赫新

羅業終是毛郎窖裏灰

自省

金克儉

年來身脫簿書叢觀了塵緣一切空心地惺惺猶
未信朝朝喚問主人翁

自遣

老覺許身何太愚便思收迹卧江湖却將屏盡豺
狼志付與剛蟲搏兔狐

井

地下神龍引海波澄澄石眼鏡新磨一泓能解千
人渴只為當時汲引多

小雨

金時習

天街小雨洒紛紛半作青烟半作雲
獨掩柴關入正靜一聲泥滑隔山聞

晝景

天際彤雲晝不收寒溪無響草莖柔
人間六月多忙熱誰信山中枕碧流

題水落山聖殿庵

山中伐木響丁丁處處幽禽弄晚晴
其谷罷溪翁歸去後綠陰移案讀黃庭

無題

石泉凍合竹扉開剩得心閑事事閑
簷影入窓初出定時聞霽雪落松閒

無題二首

不須偷得未央丸境靜偏知我自閑
命僕竹筒連野澗一條飛玉細珊珊

十錢新買小魚船搖棹歸來水竹邊
占得江湖風雨夢箇中清興與誰傳

書金鰲新話後二首

矮屋青氈暖有餘滿窓梅影月初明
初挑燈來夜焚香坐閑著人間不見書

三堂揮翰已無心端坐松窓夜正深香鑪銅瓶烏
几靜風流奇話細搜尋

郊行

柳文通

偷閑信馬過長堤兩岸春深草色齊江雨不知衣
濕盡隔林茅店午時鷄

送金直提學勘官慰日本使者行

洪貴達

處處樓臺鬧管絃霏霏墨落雲牋雕題使者應
懽喜贏得珠璣滿畫船

奉呈蔡耆之軒右三首

中郎文雅擅當時
酒後鳴絃復詠詩
碧漢又招仙鶴下
高標瘦影兩相宜

吾家地燥未池塘
尚有茅亭六月涼
日晚朝回山影冷
松風散髮卧匡床

日日難堪趁早朝
垂垂雙鬢雪飄飄
正緣官府程書苦
辜負親朋折簡邀

慶源烽火

謫中作

邊日西斜已夕烽
此時城闕動昏鐘
我身恨不如烽火
飛到南山屋上峯

秋懷錄奉國耳

一面蒼山三面水
楓林如染竹林青
主人不醒紅塵夢
閑却一秋江上亭

泊宿楊根

遠燒夜如紅錦爛
長江春似綠羅鋪
扁舟獨宿蒼崖下
夜靜無人月色孤

綠珠河次韻

崔淑精

客中情況淡於秋
驅馬悠悠過瑞州
極目三韓飛鳥外
春江不解洗離愁

張良

李瓊全

萬騎紛紛博浪沙
一椎聊欲碎宮車
少年壯志吞

天下肯割鵠溝作漢家

陳平

糠覈空令孺子肥
入言盜嫂我全疑
平生謾說奇謀六
裸棹舟中自一奇

韓信

少年胯下任譏訶
晚歲還羞噲伍何
豈是封侯無一飯
平生涯分已踰多

帶雨題清州東軒

成覲

畫屏高枕掩羅幃
別院無人瑟已希
爽氣滿簾新睡覺
一庭微雨濕蕃薇

臨水杏花

瓠犀齒白捲唇紅
蘭麝清香散曉風
似怕嬌顏容易老
淡施脂粉照青銅

題蘇東坡墨竹二首

與可襟袖迥脫塵
雪堂分得十分新
至今留跡鵝溪蘭
千載知音會有人

風戰婆娑散不收
一林清趣飽高秋
恍驚聞耳蕭蕭響
夢卧瀟湘閣岸舟

傷春二首

緋桃編李一時新
萬室涵烟不覺貧
可笑春光非

我有等閑分屬少年人
狼籍群紅雜雨零連階草色入簾青
病中尚有探春意折得繁枝插小餅

尋花古寺

婷

春深古寺燕飛飛
深院重門客到稀
我昨尋花花落盡
尋花還為惜花歸

寒食

寒食清明二月天
東風庭院掛鞦韆
流鶯啼過盡樓去
一樹杏花開政妍

元日

金新

門戶何曾施鬱壘杯盤未見頒椒花家貧自是輕
佳節唯覺年華上鬢華

玉河館偶吟

隙曛斜透弄游塵靜坐焚香閱此身盡日掩門來
往絕時時還有賣書人

三月三日

在京燕

才經百五又三三客裏那堪歲月淹且趁良辰沽
美酒杏花西畔颺青帘

對馬島舟中夜坐二首

一天秋色海迢迢萬里歸心逐去潮半夜西風吹

客老韶顏明日定全消
獨揭孤篷枕不安
西風一夕晚潮寒
海天秋色尋無處
却向潘郎鬢上看

沙汀晚步具君詮
求詩書以與之
徐步芳洲倚短筇
碧波潏灩蘸晴峯
傍山喬木藏村塢
閃閃寒鴉帶晚春

玉堂賞梅次佔畢齋韻八首
疎影橫斜夜向殘
孤高唯共月盤桓
巡簷索笑人如玉
相對成三冷淡看

弄晚幽姿看未衰
東風難免雪襟期
鵲前春後誰

能擇正好色香如許時

三嗅臨風香未殘參橫月落獨盤桓直將命僕桃
和李莫作春花一樣看

冰蘂騷人鬢欲衰惟應疎淡愜心期從教桃李成
蹊徑質素寧嫌不入時

玉色輕明照夜殘行吟醉歎且盤桓風流自是今
何遜直作凌風却月看

山澤風標詎肯衰清癯要是歲寒期托根玉署翻

嫌晚應似馮郎皓首時

暗說佔畢壽

羌笛淒涼曲未殘夜深三弄似聞桓明年更發知

誰在更揀踈枝仔細看

冰葩正盛恐將衰
携酒來看莫後期
自是玉堂清到骨
絕勝踏雪探春時

落梅後又用前韻四首

春事還隨畫角殘
攀條不覺屢盤桓
北枝容有餘芳在
為報吟人洗眼看

抵死清香尚不衰
飄零猶守舊心期
瘦於飯顆相逢日
清似西山獨餓時

落葉催人鬢自殘
杖藜搔首為盤桓
一年芳信無多子
火急相邀秉燭看

惆悵瓊姿乃爾衰
可堪一別隔年期
玉堂幸有和羹手
佇見枝頭著子時

次金近仁

甲

重九韻

丁壽崑

淵明死後幾重陽
却把黃花泛羽觴
日暮西風吹帽落
坐中還有孟嘉狂

續東文選卷之九

在更探跡校行細看

蘇東文選卷九次想酒來看吳後期自是玉堂清

至骨絕路踏雪探春時

落梅後又用前韻四首

春事過時盡有殘華條不覺屢盤桓杜枝容有

神氣坐中還百五嘉瑞

將恨不春殘東風吹散黃沙又陌上日暮西風

大金茂子甲重次贈

丁嘉宣

美丰計見外題書之報

即非意也爾來三月一展開中其王聖率有



文選